

摘藻堂四庫全書薈要

史部

欽定四庫全書薈要

史部

御批通鑑綱目卷四十一上

詳校官編修臣汪鏞

欽定四庫全書薈要卷七千三百五十六

史部

御批資治通鑑綱目卷四十一上

起壬戌唐高宗龍朔二年○
盡丙申唐中宗嗣聖十三年 凡三十五年

主
三年春正月改百官名

門下省為東臺中書省為西臺尚書省為中臺侍
中為左相中書令為右相僕射為匡政左右丞為肅
儀尚書為太常伯侍郎為少常伯其
餘並以義訓更其名而職任如故

任雅相卒于軍蘇定方引軍還

雅相為將未嘗奏親戚故吏從軍皆移所司補授謂
人曰官無大小皆國家公器豈可便私由是軍中賞

蜀皆平人服其公至是卒會沃沮道總管龐集覽沃

孝泰敗死蘇定方圍平壤久不下引軍還

東夷國名在高麗蓋馬大山

質實

平壤城名注見隋

之東沃烏酷反沮千餘反

書法

劉方卒于師不書官貶也此其貶與雅相賢

書官蒙

上文也

三月鄭仁泰等敗鐵勒於天山

鐵勒九姓聞鄭仁泰至合衆十餘萬以拒之選驍健者數十人挑戰薛仁貴發三矢殺三人餘皆下馬請降仁貴悉坑之度磧北擊其餘衆獲葉護兄弟三人而還軍中歌之曰將軍三箭定天山壯士長歌入漢關思結多濫葛等部落先保天山聞之皆降仁泰等縱兵擊之掠其家乃相率遠遁仁泰將輕騎赴之踰

大磧至仙萼河不及追糧盡而還值大雪士卒飢凍
人自相食比入塞餘兵纔八百人司憲大夫楊德裔
劾奏仁泰誅殺已降使敵逃散不計資糧棄甲資寇
詔皆釋之以契苾何力為鐵勒道安撫使安輯餘衆
何力簡精騎五百馳入九姓中謂曰國家知汝皆脇
從赦汝之罪罪在酋長得之則已其部落大喜共執
其葉護等以授何力 **集覽** 鐵勒九姓鐵勒即勅勒注
何力斬之九姓遂定 **集覽** 見宋文帝元嘉七年九姓
者曰藥羅葛曰胡咄葛曰囑羅勿曰貊歌息紇曰阿
勿喃曰葛薩曰斛唱素曰藥勿葛曰溪邪勿葉護突
厥大臣官 **質實** 挑戰注見漢王邦四年天山注見漢
名葉音攝 **質實** 武帝元朔三年祁連又外夷火州交
河城北一名祁連山唐天山縣以此為名漢闐即玉
門闐注見漢武帝元鼎二年大磧柔然地名注見梁
武帝普通二年契苾何力鐵勒莫賀可
汗之孫酋長注見漢帝玄更始二年

夏五月以許圜師為左相。秋七月熊津都督劉仁願等大破百濟於熊津。

初蘇定方既平百濟留郎將劉仁願鎮守以王文度為熊津都督撫其餘衆。文度卒百濟故將福信聚衆據周留城迎故王子豐立之。引兵圍仁願時劉仁願坐罪白衣從軍詔以為帶方州刺史將文度之衆發新羅兵以救仁願。仁願請唐厯及廟諱而行曰吾欲掃平東夷頌大唐正朔于海表。仁願御軍嚴整轉聞而前所向皆克。新羅糧盡引還。福信招集徒衆其勢益張。仁軌衆少與仁願合軍休息士卒會平壤軍還救仁願。等西歸。仁軌以為如此則百濟餘燼不日更興。高麗逋寇何時可滅。乃行便宜乘百濟無備帥衆破之。拔其數城奏請益兵。詔發淄青萊海之兵七千人赴之。福信專權與百濟王豐浸相猜忌。豐殺福信。

遣使詣高麗倭國
乞師以拒唐兵

集覽

倭國倭烏禾反女王國名漢地志樂浪海中有倭人分百

餘國在帶方東南大海中依山島為國渡海千里復有國皆倭種唐東夷傳日本國古倭奴也去京師萬四千里其俗男少女多小

質實

百濟東夷國名注見太宗貞觀十四年熊

島五十餘所皆自名國

津都督注見上年帶方州注見晉惠帝元康元年新羅東夷國名注見漢武帝元封二年朝鮮淄青萊海四州名淄注見宋明帝泰始三年盤陽青注見漢桓帝永康元年萊注見漢安帝永初二年東萊海注見晉孝武帝太元二年臨海高麗東夷國名注見漢武帝元封二年朝鮮倭國按一統志即古之倭奴國其地東西南北各數千里西南至海東北隅隔以大山國王以王為姓歷世不易文武僚吏皆世官其地有五畿七道以州統郡附庸國凡百餘自北岸去拘邪韓國七千里曰對海國又南渡一海千餘里曰漸海

國又渡一海千餘里曰末盧國東南陸行五百里曰
尹都國又東南百里曰奴國又東百里曰不彌國又
南水行二十日曰投馬國又南水行十日陸行一月
曰邪馬一國其次曰斯馬國曰已百支國曰伊邪國
曰郡支國曰彌奴國曰好古都國曰不呼國曰姐奴
國曰對蘇國曰蘇奴國曰呼邑國曰華奴蘇奴國曰
鬼國曰為吾國曰鬼奴國曰邪馬國曰躬臣國曰巴
利國曰支惟國曰烏奴國皆倭王境界所盡其國小
者百里大不過五百里戶少者千餘多不過一二萬
自漢武帝滅朝鮮使驛通於漢者三十許國皆稱王
其大倭王居邪馬臺國即邪摩維是已光武中元初
始來朝貢後國亂國人立其女子曰卑彌呼為王其
宗女壹與繼之後復立男王並受中國爵命歷魏晉
宋隋皆來貢稍習夏音唐咸亨初惡倭名更號日本
自以其國近日所出故名或云日本乃小國為倭所
併故冒其號開元貞元中其使有願留中國授經肆

業者久乃請還宋雍熙後累來朝貢熙寧以後來者皆僧也元初遣使招諭不至命范文虎等率兵十萬征之至五龍山暴風破舟敗績終元之世使竟不至本朝初國王良懷遣使臣僧祖朝貢其後數歲一來至今不絕自永樂以來其國王嗣立皆受朝廷冊封焉

八月以許敬宗同三品○冬十月以上官儀同三品質

實

上官儀陝州陝縣人

○許圜師免○廂海總管蘇海政矯詔殺

興昔亡可汗

廂海道總管蘇海政受詔討龜茲敕興昔亡繼往絕二可汗發兵與俱繼往絕素與興昔亡有怨密請海政矯敕收斬之其部落亡走海政追討集覽
廂海突厥中地
平之繼往絕尋死十姓無主附於吐蕃

名胆越筆反興昔亡可汗名
彌射繼往絕可汗名步真

質實

龜茲西域國名注
見漢光武建武二

十二年吐蕃西羌種名

注見太宗貞觀八年

書法

自是十姓皆附吐蕃而唐世
吐蕃之禍始此矣故謹志之

發明

興昔亡可汗遠在邊徼之外海政矯詔殺之
特書於冊以著其罪者聽達於上也王后蕭
妃近在宮闈之內武氏專擅殺之不書于冊若
無所聞者蒙蔽之甚也比而觀之其義見矣

西突厥寇庭州刺史來濟死之

西突厥寇庭州刺史來濟將兵拒之謂其衆曰吾久
當死幸蒙存全以至今日當以身報國遂不釋甲胄
赴敵而死胡氏曰褚遂良至愛州上表自陳定策之
功受遺之寄曰螻蟻餘命乞陛下哀憐君子悲之而

亦嫌其氣衰而志挫也來濟赴敵而死可謂善處死矣人孰不死處之為難使無忌而知此則能廷爭武氏矣遂良而知此質實突厥北狄國名注見梁武帝則能待盡無言矣質實大同十一年庭州注見齊明帝建武四年高昌愛州

注見梁武帝太清二年

書法

書死之何善濟也濟於同時諸大臣可謂得其死所矣

癸亥三年春正月以李義府為右相夏四月除名流雋州

義府兼知選事恃勢賣官怨讎盈路上從容戒之義府勃然變色曰誰告陛下緩步而去上不悅義府又與術者微服出城候望氣色或告義府陰有異圖鞠之有實詔除名流雋州朝野稱慶質實從容

注見漢宣帝地節三年雋州

注見漢武帝元鼎六年越雋

發明

義府弄權罔上何以不書有罪高宗崇信姦回使之怙寵至是其責亦有所分矣是以書

法如
此夫

蓬萊宮成

初隋文帝遷長安城立宮於西北隅至是營蓬萊宮於其東北制度宏壯於舊門曰丹鳳殿曰含元移伏居之命故宮曰西內新宮

曰東內亦曰大明宮云

集覽

移仗仗注見永徽五年

質實

長安

城注見隋煬帝大業十三年蓬萊宮注見太宗貞觀六年慶善宮含元殿名注見憲宗元和十四年宣政

書法

蓬萊宮何大明宮也貞觀八年書營大明宮未成而上皇寢疾往年四月乃作蓬萊綱目

不書作蓬萊已書其始也至是宮成制度宏壯則是宮之勞費可知矣故特書成凡宮室書成久辭

也是故漢長樂書治書成隋仁壽書作書成唐蓬萊書營書成皆久而後成也終綱目宮室書成四

詳漢高帝十二年

惟晉新宮無譏焉

五月詔鄭仁泰等分屯涼鄯以備吐蕃

吐蕃吐谷渾互相攻各上表論曲直求援上不許吐蕃擊吐谷渾大破之吐谷渾可汗曷鉢與弘化公主帥數千帳棄國走涼州上以鄭仁泰等分屯涼鄯備吐蕃又以蘇定方節度諸軍援吐谷渾吐蕃表吐谷渾之罪且請質實吐谷渾西羌種名注見晉元帝建和詔責讓之武元年弘化公主注見隋煬帝大業八年涼鄯二州名涼注見中宗景龍二年鄯注見漢宣帝元康四年湟中

書法

吐蕃始益強也唐之西患蘇海政為之

秋九月熊津總管孫仁師攻百濟拔之

初劉仁願劉仁軌既克真岷城詔孫仁師將兵浮海助之軍勢大振諸將以加林城水陸之衝欲先攻之仁軌曰周留城蕃之巢穴若克周留諸城自下於是水陸並進遇倭兵於白江口四戰皆捷百濟王豐奔高麗子忠勝等帥衆降百濟盡平唯任存城不下百濟人黑齒常之沙叱相如各帥衆降仁軌使各將其衆取任存城仁師曰此屬居心何可信也仁軌曰吾觀二人皆忠勇有謀救信重義是其感激立效之時不用疑也遂給糧仗分兵隨之扶任存城詔留仁軌鎮百濟召仁師仁願還仁軌瘞骸骨籍戶口理村聚署官長通僑道補堤塘課耕桑賑貧老立唐社稷頒正朔及廟諱百濟大悅然後脩屯田儲糗糧訓士卒以圖高麗仁願至京師上問之曰卿所奏事皆合機宜卿本武人何能如是仁願曰皆仁軌所為也上悅

加仁軌六階遣使勞勉之西臺侍郎上官儀曰仁軌
遭黜削而能盡忠仁願秉節制而能推賢皆可謂君
子矣

集覽

黑齒蕃複姓百濟國人沙吒蕃複姓亦

質實

黑齒常之百濟西部人京
師注見周顯王二十五年

甲子麟德元年春正月以殷王旭輪為單于大都護

初李靖破突厥遷三百帳於雲中城阿史德氏為其
長至是部落漸衆請立可汗以統之上曰今之可汗
古之單于也故更為單于都**質實**按一統志雲中城
護府而使皇子殷王遙領之在大同府城北郭
外後魏建此為西京其門東曰迎春南曰朝陽西曰
定西北曰拱極其宮垣占城之北唐為雲中郡殷州
名注見隋恭帝
皇泰二年獲嘉

郇公孝協坐贓賜死

孝協為魏州刺史坐贓賜死有司奏孝協父叔良死王事不可絕其嗣上曰畫一之法不以親疎異制苟害百姓雖太子亦不赦也孝協竟自盡於第胡氏曰高宗昏懦肆恣棄太宗之法如掃塵爍凍然而於孝協之職謹守畫一如此何哉且必以治庶人者治皇族而其言及於太子他日東宮連見廢殺則畫一不赦之**集覽**畫一之法注見**質實**郇縣名注見漢高祖教也漢惠帝二年天福十二年魏州注見漢成帝綏和二年東宮注見宋文帝元嘉二十七年

秋七月詔以三年正月封禪質實

封禪注見秦始皇二十八年

○八

月以劉祥道竇德玄為左右相。冬十月遣兵代戍熊

津

熊津都督劉仁軌上言戍兵疲羸者多衣服貧弊唯思西歸無心展效臣問以往時百姓應募或請自辦衣糧何為今日士卒如此咸言今日官府與曩時不同曩時沒王事者敕使弔祭追贈官爵回授子弟凡度遼者皆賜勲一轉自顯慶五年以來度海者官不記錄死者無人誰何州縣發兵壯而富者行錢得免弱而貧者被發即行海東苦戰之時許以勲賞及達西岸唯聞推禁奪賜破勲州縣追呼無以自存是以被發之日已有逃亡自殘者其有勲級亦不免挽引之勞無異白丁又初發時唯令備一年資裝今已二年未有還期自非有所更張厚加慰勞明賞重罰以起士心恐師衆疲勞立效無日上深納其言遣劉仁願將兵度海以代舊鎮之兵敕仁軌俱還仁軌曰舊兵當令收獲辦具遣還軍將宜留鎮撫未可歸也仁

願曰吾前還海西大遭讒謗云吾謀據海東幾不免禍今日唯知準敕豈敢擅有所為耶仁軌曰苟利於國豈恤其私乃上表陳便宜自請留鎮從集覽沒王之以扶餘隆為熊津都尉使招集其餘衆王事而亡沒者勲級勲官之資級扶餘隆扶餘本東夷國名因以為氏隆名也

十二月殺同三品上官儀劉祥道罷梁王忠賜死

初武后屈身忍辱奉順上意故上排羣議而立之及得志專作威福上動為所制不勝其忿會宦者王伏勝發其使道士郭行真出入禁中為厭禱事上密召上官儀議之儀因言后專恣請廢之上即命草詔左右奔告于后后遽詣上自訴上羞縮不忍乃曰我初無此心皆上官儀教我儀先與伏勝俱事故太子忠后于是使許敬宗誣奏儀伏勝與忠謀大逆儀下獄及伏勝皆死妻子籍沒賜忠死於流所右相劉祥道

坐與儀善罷朝士流貶者甚衆自是上每視事則后垂簾於後政無大小皆預聞之天下大權悉歸中宮天子拱手而已

集覽

厭禱厭益涉反鎮也禱告事求福也

質實

梁州名注見周

報王四年

書法

梁王忠廢為庶人矣書梁王何不予其廢之也賜死之例有四著所坐賜死魏周初郇公

李協

太平公主王毛仲

宜死者也書貶某賜死賈

參楊牧韋保衡孟漢卿

書賜某死吳通玄路巖蘇

皆

皆可罪而未宜死者也直書某賜

死梁王忠不宜死者也無所坐者也

發明

哀哉上官儀之死也彼昏不知烏可與之有言哉京房諄諄開悟元帝言非不明聽非不

論然姦賊未去身已不保昏懦之君大抵若此綱目書殺書爵蓋亦哀之而已夫豈樂予之哉

以樂彥璋孫處約同三品考異

提要無此十字

乙丑二年春三月以姜恪同三品。夏四月以陸敦信為

右相樂彥璋孫處約罷質實

陸敦信嘉興人

○五月行麟德歷

李淳風以戊寅歷推步浸疎乃增

損劉焯皇極歷更撰麟德歷行之

集覽

推步推測也步考也漢馮

緄傳善推步注云謂究日月五星之度昏旦節氣之差劉焯隋太學博士著歷書十卷焯音灼

冬十月車駕發東都十二月至泰山

皇后表稱封禪祭皇地祇太后昭配而令公卿行事禮有未合請帥內外命婦奠獻詔禪社首以皇后為亞獻越國太妃燕氏為終獻廢藁拈陶匏用茵褥壘爵文舞用功成慶善之樂武舞用神功破陳之樂上

發東都華戎衛從數百里不絕時比歲豐稔米斗至五錢麥豆不列于市上至濮陽左相竇德玄騎從上問濮陽謂之帝丘何也德玄不能對許敬宗自後躍馬而前曰昔顓頊居此故謂之帝丘上稱善敬宗退謂人曰大臣不可以無學德玄曰人各有能有不能吾不強對以所不知此吾所能也李勣曰敬宗多聞信美矣德玄之言亦善也張公藝九世同居北齊隋唐皆旌表其門上幸其宅問所以能之故公藝書忍字百餘以進上善之賜以縑帛胡氏曰新城三老啓漢高以君臣之大義壺關三老悟孝武以父子之至情湖三老猶能辯王尊被劾之非辜正朝廷刑罰之失當皆因事有補不苟然也高宗非不能忍之患乃過於忍之失公藝又以忍勸之其樸茂有餘而智術短矣為公藝者宜曰臣家所以同居之久由家長專治權在男子婦人不預外事

集覽

內外命婦注見太宗貞觀元年社首

山在兗州應劭曰在博縣晉灼曰在鉅平南十三里
藁結陶匏周禮次辰筵几圖王氏神席議曰禮器莞
簟之安而藁鞞之設正義謂藁鞞除穗粒取稈藁為
席郊祭不用莞簟之可安而設藁鞞之麓席亦脩古
也記郊特牲器用陶匏以象天地之性也莞簟之安
而蒲越藁鞞之尚明之也注陶謂陶瓦為酒尊匏瓠
也謂破匏為爵皆太古之禮器觀天下之物無可以
稱其德也蒲越藁鞞皆藉神席也正義謂今禮以藁
鞞為祭天席蒲越為配帝席鞞與結通音戛莞音官
越音活茵褥壘爵說文茵車重席也褥藉也壘龜目
酒尊似壺容一斛水作雲雷象爵飲器刻為爵形受
一升漆赤中畫雲氣功成慶善樂注見太宗貞觀六
年神功破陳樂注同上貞觀元年新城三老啓漢高
以君臣之大義事見漢王劉邦二年壺關三老悟孝
武以父子之至情事見漢武帝征和二年湖三老
猶能辨王尊被劾之非辜事見漢成帝河平二年質

實

泰山注見秦始皇二十八年社首壇名按一統志在濟南府泰安州西南五里亭禪山上宋真宗封

泰山

禪此中有蒿里祠在焉濮陽郡名注見周安王

五年

帝丘地名在東昌府城西南二百里按一統志

古顓頊

之墟曰帝丘夏為昆吾氏所居春秋衛成公

遷都於此

顓頊五帝之一即高陽氏也詳見通鑑前

編張公藝

壽張人

丙寅**乾封元年春正月封泰山禪社首**

正月

朔祀昊天上帝於泰山南明日登泰山封玉牒

藏之石碣

又明日降禪於社首祭皇地祇上初獻畢

執事者

皆趨下宦者執帷皇后升壇亞獻帷帟皆以

錦繡為之

敕天下改元文武官賜爵加階有差先是

階無泛加

皆以勞考叙進至五品三品仍奏取

進止至是始有泛階

比及末年服緋者滿朝矣

集覽

玉牒注見漢武帝元封元年石磧音感石篋也以方石再累皆方五尺厚一尺刻其中以容玉匱磧傍施石檢十枚以檢石磧南方北方皆三東方西方皆二去磧隅皆一尺磧纏以金繩五周封以石泥或曰以水銀和金質實昊天上帝注見隋恭帝義寧二年為泥而封之質實皇地祇注見漢後主建興十五年

車駕還過曲阜祠孔子

贈太師祭

質實

曲阜縣名注見周太祖廣順二年少牢牲名注見太宗貞觀十九年

書法

於是孔子贈太師則曷為不書諱之也孔子贈太師而尊老君為皇帝亦大不倫矣諱之

者譏之也終綱目書祠孔子五詳漢高帝十二年

至亳州尊老君為太上玄元皇帝

至亳州謁老
君廟上尊號
質實亳州注見漢獻帝建安十五年譙

縣老子所生之地後人為立廟
漢桓帝嘗命邊韶為文以記之

發明

上書過曲阜祠孔子庶足見尊師重道之意
然贈以三公之官則是臣之也禮安在哉况

下書尊老君為太上玄皇帝其輕重不倫若此
故綱目於贈太師則削而不書蓋為先聖諱之爾
事有若美而實不美者此類是也
雖然吾先聖豈以是為輕重哉

李義府卒

時大赦惟長流人不聽還李義府憂憤發病而卒
自義府之貶朝士日憂其復入至是衆心乃安

書法

於是義府除名矣不卒可也而卒之何幸唐
人也義府雖貶朝野憂其復入至是衆心乃

安故
幸之

夏四月車駕還京師。陸敦信罷。五月鑄乾封泉寶。

錢

錢一當十俟期
年盡廢舊錢

六月遣金吾衛將軍龐同善將兵伐高麗

高麗泉蓋蘇文卒長子男生代為莫離支出巡諸城使其弟男建男產留知後事或謂二弟曰男生惡二弟欲除之又告男生者曰二弟欲拒兄不納男生遣人偵伺二弟收掩得之乃以王命召男生男生懼不敢歸男建自為莫離支發兵討之男生走保別城使其子獻誠詣闕求救詔契苾何力龐同善將兵救

之以獻誠
為鄉導

質實

莫離支高麗官名注
見太宗貞觀二十年

秋七月以劉仁軌為右相

初仁軌為給事中按畢正義事李義府怨之出為青
州刺史會討百濟仁軌當浮海運糧遭風失船命監
察御史索異式往鞠之義府謂曰君能辦事勿憂無
官異式至謂仁軌曰君宜早自為計仁軌曰仁軌當
官失職國有常刑公以法斃之無所逃命若使遠自
引決以快讎人竊所未甘乃具獄以聞上命除名以
白衣從軍自效及為大司憲異式懼不自安仁軌瀝
觴告之曰仁軌若念疇昔之事有如此觴既知政事
薦為司元大夫監察御史杜易集覽
簡謂人曰斯所謂矯枉過正矣
若念疇昔之事
見鞠失船事為念也記檀弓疇
自誓不以前者
昔之夜注疇發聲也昔猶前也
帝泰始七年

竇德玄卒。皇后殺其從兄武惟良。

初，武士彠娶相里氏，生男元慶。元奐又娶楊氏，生三女。長適賀蘭越石，次皇后，次適郭孝慎。士彠卒，元慶、元奐及士彠兄子惟良、懷運皆不禮於楊氏。楊氏深銜之。越石早卒，后既立，楊氏號榮國夫人，越石妻號韓國夫人。惟良等皆列朝廷，榮國夫人謂曰：「頗億疇昔之事乎？」對曰：「惟良等幸以功臣子弟早登官籍，揣分量才，不求貴達，豈意以皇后之故，曲荷朝恩，夙夜憂懼，不為榮也。」榮國不悅。皇后乃上疏請出惟良等為遠州刺史，外示謙抑，實惡之也。元慶以憂卒，元奐坐事流振州而死。韓國及其女皆得幸於上，其女賜號魏國夫人。后惡之，會惟良、懷運至京，師獻食，密置毒醢中，使魏國食之。暴卒，因歸罪於惟良、懷運，誅之，改其姓。集覽：相里複，姓咎繇之後，為理氏。商末，理證為蜎氏。孫仲師遭難，去王姓，里至晉里克，見滅。

克妻司成氏携其少子季友逃
居相城因姓相里氏相去聲
質實振州注見高祖武德五年

發明

於所厚者薄無所不薄也武氏不道勦殺其族如獵狐兔亦何有於李氏哉故特書皇后

殺其從兄
以惡之

九月龐同善大破高麗兵。劉祥道卒

子齊賢嗣齊賢為人方正上甚重之為晉州司馬將軍史興宗從獵苑中因言晉州產佳鷄請使齊賢捕之上曰劉齊賢豈捕鷄者耶胡氏曰人主雖有嗜慾皆蔽其本心之明亦不可亡也特所蔽者重不能推廣其明耳高宗若以待劉齊賢之心博求賢德列之朝廷則膏盲之疾必有能已之者然既知齊賢方正而置之州司馬雖不使捕鷄亦不能
采其謀猷善善不用郭公之道爾
集覽善善不用郭公之道

爾注見太宗

貞觀二年

質實

晉州注見漢獻帝建安七年河東
膏肓之疾注見晉愍帝建興四年

冬十二月以李勣為遼東大總管伐高麗

勣欲與其婿京兆杜懷恭偕行懷恭亡匿謂人曰公
欲以我立法耳勣聞之流涕曰杜郎踈放此或有之

乃集覽

公欲以我立法耳杜懷恭自知踈畧放達

質

實

京兆郡名注見玄
宗開元十一年

丁卯二年春正月耕籍田考異

耕上漏
帝字

有司進耒耜加以凋飾上曰耒耜農夫所執豈宜如
此之麗命易之既而耕之九推乃止胡氏曰為國務
農必本末備舉然後實德及百姓高宗政出房帷馴
致大亂而躬籍千畝勤於九推夫豈勸農之本乎

集覽

耕籍田注見漢文帝二年

質實

耒耜治田器名釋名云耒耜木為

耒耜木

為耜

書法

高宗耕籍不悉書據永徽三年正月不書此其書何美崇質也

罷乾封泉寶錢

自行乾封錢穀帛踊貴商賈不行罷之

夏六月以楊弘武戴至德李安期張文瓘趙仁本並同

三品

時造蓬萊上陽合璧等宮頻征伐四夷廐馬萬匹倉庫漸虛張文瓘諫曰隋鑒不遠願勿使百姓生怨上

納其言減廐馬數千匹。上屢責侍臣不進賢。李安期對曰。比來公卿有所薦引。為讒者已指為朋黨。滯淹者未獲伸。而在位者先獲罪。是以各務杜口耳。陛下果推至誠以待之。其誰不願舉所知耶。上深以為然。

質實

上陽宮在河南府閩鄉縣舊湖城縣西北一里。隋煬帝建。張文瓘貝州武城人。李安期定

州安平人
百藥之子

秋八月朔日食。李安期罷。九月李勣拔高麗十七城。

李勣拔新城。遂引兵進擊一十六城。皆下之。副大總管龐同善高侃尚在新城。泉男建遣兵襲其營。武衛將軍薛仁貴擊破之。勣行軍管記元萬頃作檄高麗文曰。不知守鴨綠之險。男建報曰。謹聞命矣。即移兵。

據之唐兵不得度上聞之流萬頃於嶺南副大總管
郝處俊在高麗城下未及成列高麗奄至軍中大駭
處俊據胡林方食乾糲潛簡質實郝處俊安陸人胡
林注見周世宗顯
精銳擊敗之將士服其膽畧質實
德五年

戊辰總章元年夏四月彗星見于五車集覽

五車天官書
五車五星在

畢北五車者五帝車
舍也主天子五兵質實彗星注見周
顯王八年

彗星見上避正殿減膳徹樂許敬宗等奏請復常曰
彗星見東北高麗將滅之兆也上曰朕之不德謫見
於天豈可歸咎小國且高麗之百姓亦朕之百姓也
不許彗尋滅范氏曰高宗庸昏而猶能出人君之言
其誠足以動天矣然則古者失道之君未必其身親
為不善也姦佞之臣納之於惡者蓋多矣亦可以為

戒哉

楊弘武卒。秋九月李勣拔平壤高麗王藏降高麗悉

平

薛仁貴破高麗於金山垂勝將攻扶餘城諸將以其
兵少止之仁貴曰兵不必多顧用之何如耳遂為前
鋒以進與高麗戰大破之殺獲萬餘人遂拔扶餘城
扶餘川中四十餘城皆望風請服侍御史賈言忠奉
使自遼東還上問以軍事言忠對曰隋煬帝東征而
不克者人心離怨也先帝東征而不克者高麗未有
釁也今高藏微弱男生兄弟相攻饑饉連年妖異屢
降其亡可翹足待也上又問諸將孰賢對曰薛仁貴
勇冠三軍龐同善持軍嚴整高侃忠果有謀契苾何
力沉毅能斷然夙夜小心忘身憂國皆莫及李勣也

勣等進攻大行城拔之諸軍皆會進至鴨綠柵破之
圍平壤月餘高麗王藏遣泉男產詣勣降男建猶閉
門拒守以軍事委僧信誠信誠開門勣縱質實金山
兵登城男建自刺不死遂擒之高麗悉平注見
隋恭帝皇泰二年扶餘城注見隋煬帝大業八年平
壤遼東郡名注見秦王政三年饑饉注見隋煬帝大
業十二年鴨綠柵按一統志在遼東都司城東五百
六十里鴨綠江之東乃後魏所置以塞高句驪之路

冬十月以盧迦葉多為懷化大將軍

烏荼國婆羅門盧迦葉多自言能合不死藥上將餌
之東臺侍郎却處俊諫曰脩短有命非藥可延貞觀
之末先帝服那羅邇娑婆寐藥大漸之除名醫不知
所為議者將加顯戮恐取笑戎狄而止前鑒不遠願
陛下深察集覽烏荼西域國一曰烏伏那亦曰烏菴
上乃止直在天竺國南其東則大食國也漢

書茶作耗注烏一加反耗直加反那羅邇方士名質
娑婆寐方士名大漸注見隋文帝開皇十四年

實

婆羅門西域國名注
見太宗貞觀十三年

書法

前書遣天竺方士歸國矣於是又書以盧迦
葉多為懷化大將軍帝固非有定見者蓋當

此時年踰不惑內寵之意輕而長生之
念重矣豈復記往日之言哉書譏之也

十二月置安東都護府

李勣將至上命先以高藏等獻于昭陵具軍容奏凱
歌入京師獻于太廟上受俘於含元殿分高麗五部
百七十六城六十九萬餘戶為九都督府四十二州
百縣置安東都護府於平壤以統之擢其酋帥有功
者為都督刺史縣令與華人參理以薛仁貴檢校安
東都護總兵二萬人以鎮撫之上祀南郊告平高麗

以李勣為亞獻時有敕征遼軍士逃亡限內不首者
身斬妻子籍沒太子上表曰軍士或遇疾病不及隊
伍或因樵採為賊所掠或渡海漂沒或深入賊庭為
所傷殺軍中不暇勘當皆以為逃若即配沒情實可
哀乃詔質實昭陵注見太宗貞觀二十三年含元殿
免之府注見秦王政三年遼東南
郊注見漢後主建興十五年

以姜恪閭立本為左右相質實

閭立本京兆萬
年人立德之弟

○京師

山東江淮旱饑

書法

自書大稔而封禪之事起於是書京師山東
江淮旱饑是年書閭中旱饑咸亨元年書河

南北旱儀鳳二年書關中旱
蝗永淳元年屢書不一書矣

己巳二年春二月以李敬玄同三品

先是同三品不入銜至是始入銜

質實

銜釋名云官吏階位曰銜

書法

以同三品入銜始此

以盧承慶為司刑太常伯

承慶嘗考內外官有一官督運遭風失米承慶考之曰監運損糧考中下其人容色自若無言而退承慶重其雅量改注曰非力所及考中中既無喜容亦無愧詞又改曰寵辱不驚考中上○時渭南尉劉延祐弱冠政事為畿縣最李勣謂曰足下春秋甫爾遽擅大名宜稍自貶抑無為獨出人右也集覽畿縣最畿天子千里地也最者言課居先也記王制曰天子之縣內凡九十三國注縣內夏時天子所居州界

名也殷曰畿詩商頌曰邦畿千里惟民所止周亦曰畿今畿縣之內有善政者劉延祐為最

質實

渭南縣名注見漢獻帝建安十六年劉延祐彭城人

以郝處俊同三品○詔定明堂制度

定明堂制度其基八觚其宇上圓覆以青陽玉葉其門牆階級窓櫺楣柱柳案枅拱皆法天地陰陽律歷之數以衆議未決又

集覽

八觚漢郊祀志紫壇八觚宣象八方注觚角也班固

賦設壁門之鳳翔上觚稜而棲金爵注觚稜闕角也轉高轉角處柳案柳字刊誤當是枅字史炤釋文作柳字益訛矣案爾雅枅案謂梁上短柱上承屋脊者案通作節記山節藻梲注枅謂之節楹謂之枅枅拱爾雅枅柱上橫木承棟者質實

明堂注見漢武帝建元元年

夏四月徙高麗戶於江淮山南京西諸州

高麗之民多離叛者敕徙三萬八千二百戶於江淮之南及山南京西諸州空曠之地留其貧弱者使守

安質實

高麗東方國名注見漢武帝元封二年朝鮮

六月朔日食質實

日食注見新莽天鳳元年

秋八月詔幸涼州不

果行考證

幸當作如

詔以十月幸涼州時隴右虛耗議者多以為不宜遊幸上聞之詔五品已上謂曰自古帝王莫不巡狩故朕欲巡視遠俗若其不可何不面陳而退有後言耶宰相以下皆不敢言詳刑大夫來公敏曰巡狩雖帝王常事然今高麗餘寇尚多西邊兵亦未息隴右戶口凋敝鑿輿所至供億百端外間實有竊議但明制

已行故羣臣不敢陳論耳上善其言為之罷行范氏
曰高宗溺於所愛不顧禮義雖元舅顧命之臣以先
帝遺言爭之確乎其不可入也涼州之不行得非武
后之意乎何其從諫之易也且不從其大而從其細
雖曰能聽諫而謹於細質實隴右注見秦王政三年
行亦不免陷於大惡也隴西巡狩注見隋煬帝
大業六年鑾輿注
見德宗貞元元年

書法

不果行何美從諫也凡遊幸書不果皆美辭
終綱目遊幸書不至而還二漢明帝永平四

年辛卯年吳主皓

書不果行

一是年唯孫皓不至為危辭

九月大風海溢

漂六千

餘家

書法

終綱目書海溢六詳漢質帝本初元年帝居二馬陰盛之徵也自是無書海溢者矣

冬十一月李勣卒

上嘗謂侍臣曰朕虛心求諫而竟無諫者何也李勣對曰陛下所為盡善群臣無得而諫范氏曰甚矣李勣之佞也陷君於惡又諂以悅之其罪大矣勣本羣盜無識可為將而不可為相以輔少主居伊周之地非其任矣○勣寢疾謂弟弼曰我見房杜平生勤苦僅立門戶遭不肖子蕩覆無餘吾此諸子今以付汝謹察視之其有志氣不倫交游非類者皆先撻殺然後以聞范氏曰房杜事君以忠其子孫不肖覆宗絕祀出於不幸非其積不善也李勣一言喪邦罪不容誅得死牖下幸矣乃以房杜為戒可謂不能省已者矣父子不責善骨肉之親無絕也而使殺之何異於讐敵豈所以為訓乎○勣為將有謀善斷從善如流

戰勝則歸功於下所得金帛悉散之將士故人思致死所向克捷臨事選將必訾相其狀貌豐厚者遣之或問其故勛曰薄命之人不足與成功名閨門雍睦而嚴其姊嘗病勛親為作粥風田藝其鬚鬢姊曰僕妾幸多何自苦如是勛曰非然也顧姊老勛亦老雖欲久為姊煑粥其可得乎嘗謂人我年十二三時為亡賴賊逢人則殺十四五為難當賊有所不愜則殺之十七八為佳賊臨陣乃殺人二十為大將用兵以救人死卒諡貞武孫敬業嗣

集覽

得死牖下記喪大記曰疾病寢東首于北牖下注謂君來視之

時也病者恒居北牖下

質實

伊周謂伊尹周公

書法

勛功臣也衛公鄂公皆具官此其不書何削之也唐祚幾絕勛之力也故削之

發明

武氏之立決於李勛之一言遂至滅唐社稷貽禍甚慘綱目於廢立之際雖已載之分注

而勸之罪竟未有以見也故於其死盡削其官以罪之爾或曰高宗之時大臣書卒罕有具其官者如竇德玄劉祥道之類蓋可見矣曰是不然勸故前朝功臣初非德玄祥道之比姑以太宗朝觀之自貞觀四年書蔡公杜如晦卒至廿三年書衛公李靖卒其間書卒者凡十有四人未有不書其爵者又以高宗朝觀之其書前朝舊臣之卒者如北平公張行成鄂公尉遲敬德愛州刺史褚遂良亦未有不書其官者何獨於勸而削之哉勸在兩朝論其勲業殆與衛公鄂公諸人等今綱目獨削其官遂至與隋楊素同科素有廢立儲君之罪勸有廢立中間之罪故其書法若一是皆深貶而誅之也不然以勸之公勤勲績可少訾哉

定銓注法

時承平既久選人益多司列少常伯裴行儉始與負
外郎張仁諱設長名姓歷榜引銓注之法又定州縣
升降官資高下其後遂為永制無能革之者大畧唐
之選法取人以身言書判計資量勞而擬官始集而
試觀其書判已試而銓察其身言已銓而注詢其便
利已注而唱集衆告之然後類以為甲先簡僕射乃
上門下給事中讀侍郎省侍中審之不當者駁下既
審然後上聞主者受旨奉行各給以符謂之告身兵
部武選亦然課試之法以騎射及翹闕負米人有格
限未至而能試文三篇謂之宏詞試判三條謂之拔
萃入等者得不限而授其黔中嶺南閩中州縣官不
由吏部委都督選擇土人補授凡居官以年為考六
品以下四考為滿有劉曉者上疏論之曰今選曹以
檢勘為公道書判為得人殊不知考其德行才能况
書判借人者衆矣又禮部取士專用文章為甲乙故
天下之士皆捨德行而趨文藝有朝登甲科而夕陷

刑辟者雖曰誦萬言何關理體文成七步未足化人
取士以德行為先文藝為末則多士雷奔四方風動
矣

集覽

身言書判唐制擇人之法有四一曰身體貌
豐偉二曰言言辭辨正三曰書楷法道美四

曰判文理優長四事皆可取則先德行見選舉志道
才由反健也乃上門下上是掌反進也門下謂門下
省給事中讀讀其身言書判便利也侍郎省省視也
翹關負米二者取士之科也唐選舉志詔四方德行
才學之士下至翹關拔山莫不兼取又武后長安二
年始置武舉其制有馬槍翹關負重身材之選翹關
長丈七尺徑三寸半凡十舉後手持闕距出處無過
一尺負重即負米之說如郭子儀中負米科是也
質實銓注注見晉武帝太康六年黔中郡名注見漢
光武建武二十四年嶺南道名注見秦始皇二
十三年南海閩中郡名注見漢武帝建元三年文成
七步魏志文帝弟植有才思欲刑之令七步作詩

不則行刑植應聲曰煮豆燃豆其豆在釜中泣本是同根生相煎何太急詩竟釋之

發明

以言書判取人可也以身取人而求其體貌豐偉焉如是則體若不勝衣之趙文子容貌

若婦人女子之張良不在所取矣烏在其為良法哉書之於冊其失自見

庚午咸亨元年春正月劉仁軌致仕。三月許敬宗致仕

○敕突厥酋長子弟給事東宮

西臺舍人徐齊聃上疏曰皇太子當引文學端良之士置左右豈可使突厥子弟入侍軒闥又奏齊獻公即陛下外祖雖子孫有犯豈應上延祖禰今周忠孝公廟甚脩而齊廟毀廢非所以彰孝理之風也上皆從之齊聃充質實徐齊聃長城人齊獻公貞觀初追容之弟也封長孫晟為齊獻公祖禰注見漢

章帝元和二年周忠孝公永徽初追封武士彠為周忠孝公寬容女官名事物紀原云漢典有充則疑漢官也北史曰隋煬帝參詳典故著之於令也

書法

太子國本也太宗父子於其東宮常有不當詔之詔綱目每謹書之詔訟不決者聽於東

宮上啓則書

太宗貞觀四年

詔太子用庫物有司

勿為限制則書

太宗貞觀十六年

詔太子知左右

屯營兵馬事則書太宗貞觀十七年敕突厥酋

長子弟給事東宮則書是年皆所以為世戒也

發明

太子國儲副君當以儒學端良之士與之游處今乃以突厥子弟居之其輕國本甚矣高

宗昏庸失德方且倚重中宮謂可付託他日至欲使之攝政則其不顧厥子固其宜也書敕突厥酋

長子弟給事東

宮繆可知矣

夏六月朔日食。秋八月薛仁貴擊吐蕃敗績。

初吐蕃陷西域十二州又與于闐龍龜茲撥換城陷之詔罷龜茲于闐焉耆疎勒四鎮以薛仁貴為大總管阿史那道真郭待封副之以討吐蕃至大非川將趣烏海仁貴曰烏海險遠輜重自隨難以趨利宜留輜重置柵於大非嶺上吾屬帥輕銳倍道西行掩其未備破之必矣仁貴帥所部前行擊吐蕃於河口大破之進屯烏海待封先與仁貴並列不肯受其節度將輜重徐進遇吐蕃大敗棄輜重走仁貴退屯大非川吐蕃就擊之唐兵大敗死傷畧盡與欽陵約和而還仁貴待封皆免死除名欽陵祿東贊之子也與弟贊婆悉多于勃論皆有才畧欽陵代集覽贊婆悉多父秉政三弟將兵居外隣國畏之于勃論吐蕃俗不言姓其王族皆稱論官族皆稱尚質實國名曰贊婆曰悉多曰于勃皆贊陵弟故稱論

注見漢哀帝元壽二年于闐按一統志古國名居蔥嶺之北二百餘里自漢至唐皆入貢中國五代晉天福中其王李聖天自稱唐宗屬遣使來貢冊封為大寶于闐國王宋建隆初聖天遣使來貢乾德中又遣其子德從來貢大中祥符初其國黑韓王遣回鶻羅思溫等入貢嘉祐中遣使羅撒溫獻方物請王號乃以其國王為特進歸忠保順砮鱗黑韓王裔語謂金翅鳥為砮鱗黑韓蓋可汗之訛也元豐中遣部領阿辛上表稱于闐國僂儻有福力量知文法黑汗王書元祐後詔令間歲一至訖於宣和朝享不絕至本朝永樂初頭目打魯哇亦不刺金遣使滿刺哈撒木丁等貢玉璞焉者西域國名注見宋文帝元嘉十二年疎勒西域國名注見漢武帝元鼎二年輜重注見周顯王三十七年吐蕃西羌部名注見太宗貞觀八年

書法

書擊何譏也外蕃相攻不治可也亦既表請和矣而復伐之建無名也故書擊

關中旱饑質實

關中注見玄宗開元十一年京兆

○九月魯國夫人楊

氏卒

后之母也敕文武官及内外命婦並詣宅弔哭諡曰忠烈

書法

楊氏何武后母也后母卒未有書者此其卒之何譏也於是敕文武官及内外命婦並詣

弔哭且賜諡曰忠烈故書譏之自漢安帝書太后母卒至是而書后母卒厚母黨可也妻黨甚矣終綱目書加恩外氏者三漢宣帝外祖母博平君安帝鄧太后母新野君唐武后母楊氏

閏月皇后以旱請避位不許

發明

君治陽后治陰理也天以旱告此人君之事爾后何煩而請避位哉且其久位中閭避將

何之直書於冊不唯見武氏愚弄其夫之罪亦以見昏君甘受其侮之惡

○加贈武士彠為太原王夫人為妃考異

武字當作后父

質實

太原郡名注見齊明

帝建武三年并州

書法

先是書贈官凡三矣未有書加贈者書加贈何著恩私之無已也既贈司徒爵周公於是

復加贈太原王私益甚矣故書加譏之終綱目書贈官十二詳晉明帝太寧三年書加者一而已

○趙仁本罷○冬十月詔官名復舊

辛未二年冬十一月朔日食

壬申三年春二月徙吐谷渾於靈州

吐谷渾畏吐蕃徙靈州
其故地皆入於吐蕃

質實

靈州注見太宗
貞觀二十年

姜恪卒○夏四月吐蕃遣使入貢

吐蕃遣其大臣仲琮入貢上問以吐蕃風俗對曰吐蕃地薄氣寒風俗樸魯然法令嚴整上下一心議事常自下而起因人所利而行之斯所以能持久也

秋八月許敬宗卒

太常博士袁思古以敬宗嘗奏流其子於嶺南又以女嫁蠻酋多納其貨按諡法名與實爽曰繆請以諡之敬宗孫彥伯訟請改諡博士王福時曰何曾既忠且孝徒以日食萬錢得諡為繆敬宗忠孝不逮於曾而飲食男女之累過之諡之曰繆無負許氏矣詔五品以上更議禮部尚書楊思敬曰過而能改曰恭請

諡曰恭詔從之

集覽

男女之累累去聲玷也謂奏流其子於嶺南又以女嫁蠻酋多

納其

質實

王福時龍門人何曾既忠且孝日食萬錢何曾陽夏人好學博聞性至孝友自少至

老夫婦相見如賓無聲樂嬖倖之好仕魏至鎮北將軍入晉累官太宰侍中然性奢豪務在華侈帷帳車服窮極綺麗厨膳滋味過於王者每燕見不食大官所設帝輒命取其食蒸餅上不折作十字不食日食萬錢猶曰無下筋處

冬十一月朔日食。以劉仁軌同三品。以邢文偉為右史王及善為左千牛衛將軍

太子弘罕接宮臣典膳丞邢文偉輒減所供膳上書諫太子納之上聞之曰直士也擢為右史太子因宴

集命宮臣擲倒次至左奉裕率王及善及善曰擲倒自有伶官臣若奉令恐非所以羽翼殿下也太子謝之上聞之賜及善練百匹尋遷左千牛衛將軍集覽擲倒擲掉倒仆也猶言黃帝時樂師伶倫世掌樂官而質實邢文偉全椒人善焉故後世多以樂官為伶官王及善邯鄲人千牛衛注見隋煬帝大業十三年

癸酉 四年春三月詔劉仁軌脩改國史

以許敬宗等所記多不實故也

秋七月婺州大水質實

婺州注見晉哀帝興寧三年東陽

○冬十月間

立本卒○十二月弓月疎勒來降質實

弓月西域國名注見永淳元年

甲戌 上元元年春正月以劉仁軌為雞林道大總管討新

羅考證

討當作伐

時新羅王法敏既納高麗叛衆又據百濟故地
詔削官爵立其弟仁問在京師者為王使歸國
質實
新羅東夷國名注見漢
武帝元封二年朝鮮

三月朔日食。以武承嗣為周國公考異

以當作封武字當作皇后

兄子四字按封拜例曰親戚貴重者書其屬據漢高后
呂氏元年書追尊父呂公為宣王兄澤為悼武王四年
書太后封女弟嫫為臨光侯皆書其屬則此當書
其屬以著武氏草唐之由後凡封拜諸武皆倣此

元奘之
子也

秋八月帝稱天皇后稱天后。九月追復長孫無忌官爵。

以無忌曾孫翼龍爵

集覽

陪葬昭陵陪厠也。昭陵太宗墓在醴泉。

質實

趙州名注見漢景帝三年趙國

大酺

大酺上御翔鸞閣觀之分音樂為東西朋使雍王賢主東朋周王顥主西朋角勝為樂部處俊諫曰二王春秋尚少志趣未定當推梨讓棗相親如一今分二朋遙相誇競非所以崇禮義勸敦睦也上瞿然曰卿遠識非衆人所及也。遠止之。

集覽

大酺注見玄宗開元元年又注見周赧王二十年酺五日角勝

漢書角抵謂兩兩相當角力角技藝射御以爭勝推梨讓棗推吐追反亦讓也棗或作栗刊誤漢孔融四歲時與諸兄食梨棗輒引小者人問其故答曰我小兒法當取小者瞿然曰瞿音屢驚視貌記檀弓曾子聞之瞿然曰

天后表便宜十二條詔行之

后以國家聖緒出玄元皇帝請令王公以下皆習老子令明經舉人策試又請自今父在為母服齊衰三年又京官八品以上量加俸祿及他便宜合十二條詔書褒美皆行之胡六曰五服聖人所制其輕重隆殺皆有義理豈可以私增損武氏之為此請也蓋太宗加高祖父母諸服有以啓之也古父在為母齊衰期豈聖人固薄於母哉天無二日民無二王家無二主尊無二上定于一也今躋地尊天持陰敵陽其欲

陵滅夫宗獨御四海之意豈特履霜而已哉不特高宗惜然而其失至今未改也必欲得正其必以古為則集覽古父在為母齊衰期禮子為母服齊衰三年乎父在則厭降服齊衰期此古禮也案文公儀禮圖喪服篇父在為母傳曰何以期也屈也至尊在不敢伸其私尊也質實老子注見晉成帝咸

康三年

書法

書詔行之何病帝也於是請父在為母服三年雖人子所樂聞者而發于天后則敵陽之

意昭昭矣是故天后表便宜十二事書行之是年皇后表請改易制度書從之中宗神龍元年皆病其上

也

乙亥二年春二月劉仁軌大破新羅

仁軌大破新羅之衆於七重城引兵還詔以總管李謹行屯新羅之買肖城以經畧之新羅遣使謝罪上赦之復法敏官爵仁

集覽

法敏去年詔削官爵立其弟仁問

質實

臨海

郡注見晉孝武帝太元二年

三月天后祀先蠶

天后祀先蠶於卬山之陽百官及朝集使皆陪位時上苦風眩議使天后攝政郝處俊諫曰天子理外后理內天之道也昔魏文帝著令雖有幼主不許皇后臨朝所以杜禍亂之萌陛下奈何以高祖太宗之天下不傳之子孫而委之天后乎中書侍郎李義琰曰處俊之言至忠陛下宜聽之上乃止天后多引文學之士元萬頃劉禕之等使之撰列女傳臣軌百僚新戒樂書凡千餘卷時密令叅決表奏以分宰相之權

時人謂之北門學士

集覽

祀先蠶雲笈云黃帝元妃西陵氏始養蠶為絲禮記皇妃祭先蠶西陵氏

也案漢儀春桑生皇后親桑於苑中蠶室養蠶於薄以中牢羊豕祠蠶神曰苑窳婦人寓氏公主凡二神

也通典曰先

質實

却山注見漢靈帝中平六年李義琰魏州昌樂人劉偉之晉陵人子

翼之子

書法

常事耳何以書於是百官及朝集使皆陪位非常也故書

以韋弘機為司農卿質實

韋弘機京兆萬年人

弘機嘗受詔葺苑宦者犯法弘機杖之然後奏聞上以為能賜絹數十匹曰更有犯者卿即杖之不必奏也

夏四月以趙瓌為括州刺史

左千牛衛將軍趙瓌尚高祖女常樂公主女為周王顯妃公主頗為上所厚天后惡之廢妃幽殺之貶瓌刺括州令公主質實常樂按一統志隋之縣名屬燉煌郡唐初因之後改曰晉昌故址在陝西行都司舊瓜州北括州注見顯慶五年

太子弘薨諡孝敬皇帝立雍王賢為太子考異

提要薨作卒按

凡例未踰年不成君曰卒則此當從提要為下漏皇字

考證

薨當作中毒卒○謹按凡例曰凡以毒弑

疑者曰中毒崩註云如晉惠帝史言司馬越之醜而通鑑不著其語故但如此書以傳疑今太子弘之死李泌嘗言武后欲謀篡國醜太子弘通鑑亦云時人以為天后醜之事未顯明故不以殺書又按綱目太子死失著

弘之奏請義陽
宣城二公主出
降洵仁厚之至
意第時方母后
逞志宜曲為感
悟徐侯轉移控
上聞于君父致
觸母后之怒亦
有自取之咎云

例憲宗太子寧文宗太子永皆書卒今故上取晉惠
帝中毒下取太子寧永卒例當書曰太子弘中毒卒

太子弘仁孝謙謹上甚愛之中外屬心天后方逞其
志太子奏請數忤旨義陽宣城二公主蕭淑妃之女
也幽於掖庭年踰三十太子見之驚惻奏請出降上
許之天后怒即日以公主配當上翊衛太子尋薨時
人以為天后醜之也詔追諡為孝敬皇帝范氏曰皇
帝者有天下之號非所以為贈也父沒而後子立今
父在而追尊其子豈禮也哉蓋武后謀篡國醜太子
而加之尊名以掩其迹李泌之言信矣胡氏曰太子
弘幼有美質其過失唯命宮臣擲倒一節而已嘗受
春秋至商臣事廢書而歎曰經籍聖人垂訓而書此
何邪郭瑜對曰春秋義存褒貶故商臣千載而惡名
不滅弘曰非唯口不可道即亦耳不忍聞願受他經
瑜請讀禮從之弘方幼學而心志如此豈非賢乎其
死也非有他過特以奏請弗旨嗚呼為人臣子而不

知春秋之義者必陷誅死之罪弘之謂矣太子之職問安視膳此外非所預也君父懦弱昏母后專忍尤當遵養時晦以絕疑忌之萌而輕用其智不自韜默此春秋所禁也使郭瑜知此教弘以為太子之道豈至於一言違忤而見醜哉經訓不明皆腐儒暗於大理而居人父子之間其禍如此則人君愛其子而為之擇師友者可不慎哉

集覽

肅宗至德二載李泌字長源董衡釋

泌薄必反或音兵媚反者非商臣事商臣春秋楚成王世子也弑成王而自立事在文元年遵養時晦注見憲宗元和十二年腐儒言其質實

義陽縣名注見梁武帝太清二

年宣城縣名注同上三年宛陵按

庭獄名注見漢武帝後元元年

書法

綱目卒太子多矣未有書薨者此獨書薨何諡為帝也綱目自分王外書薨之例七非不

成君廢帝廢后則諡為帝為后者也。不然則帝母也有大功公主也。平陽公主舍是無薨道矣。唐會昌以後藩鎮大臣有書薨者誤也。然則書諡皇帝何譏也。君父在上而以皇帝號其子是二日二王矣。終綱目書諡皇帝四。弘重茂憲。於是雍王為太子。不書皇缺也。綱目太子不書皇者五。高宗雍王賢。睿宗平王隆基。玄宗忠王興。穆宗景王湛。文宗魯王永。

發明

太子弘之卒人皆以為天后酖之。綱目何不。以皇后酖太子弘殺之為文。高宗蔽於孽后昏然無知。故綱目直書太子弘薨。以著高宗愚蔽之失。而武氏酖毒之禍亦固在其中矣。嗚呼莫親于父子。莫重于儲極其死且莫能明之。他何望哉。噫。

秋七月杞王上金澧州安置質實

杞王上金杞州名。注見漢桓帝延熹四年。

雍丘上金唐高宗子初封杞王徙封澤王澧州按一統志本秦黔中郡地漢屬武陵郡孫吳屬天門郡晉置南平郡又析置義陽郡南齊為天門南平義陽三郡地隋初罷郡置松州尋改為澧州治澧陽縣大業中改為澧陽郡唐初復為澧州宋屬荆湖北路元陞為澧州路本朝初改路為府尋改為州隸岳州府

天后惡上金有司希旨奏其罪故有是命

八月以戴至德劉仁軌為左右僕射張文瓘為侍中郝處俊為中書令李敬玄同三品

劉仁軌戴至德更日受牒訴仁軌嘗以美言許之至德必據理難詰未嘗與奪實有寃結者密為奏辦由

是時譽皆歸仁軌或問其故至德曰威福者人主之柄人臣安得盜取上聞之深重之有老嫗欲詣仁軌陳牒誤詣至德至德覽之未終嫗曰本謂是解事僕射乃不解事僕射邪歸我牒至德笑而授之時人稱其長者文瓘時兼大理卿因聞改官皆慟哭文瓘性嚴正諸司奏議多所糾駁上甚委之質實李敬玄亳州譙人戴至德相州安陽人曹兄子大理官名注見高祖武德九年

丙子

儀鳳元年春正月以來恒薛元超同三品質實

薛元超蒲

州人收之子

○閏月吐蕃寇鄯州質實

鄯州注見漢宣帝元康四年湟中

○

以高智周同三品質實

高智周晉陵人

○秋八月始遣使詣桂

廣文黔等府注擬考異

詣當作之或作如

敕桂廣等都督府比來注擬簡擇未精自今每四年遣五品以上官充使仍令御史同往注擬時人謂之南選質實桂廣文黔四州名桂注見秦始皇三十四年桂林廣注同上年文州唐初所置本漢交趾日南二郡界地後廢入蘭州故址在慶遠府城西南四百二十里黔注見高祖武德三年

九月以狄仁傑為侍御史

將軍權善才中郎將范懷義誤斫昭陵柏當除名上特命殺之大理丞狄仁傑奏罪不當死上曰我不殺則為不孝仁傑固執不已上怒令出仁傑曰犯顏直諫自古以為難臣以為過桀紂則難過堯舜則易夫法不至死而陛下特殺之是法不信於人也人何所措其手足且張釋之有言設有盜長陵一杯土陛下何以處之今以一栢殺二將軍後代謂陛下為何如矣臣不敢奉詔旨恐陷陛下於不道且羞見釋之於

地下也上怒解遂貸之仍擢仁傑為侍御史初仁傑為并州法曹同僚鄭崇質當使絕域崇質母老且病仁傑曰彼母如此豈可復使之有萬里之憂詣長史蘭仁基請代之行仁基素與司馬李孝廉不協因相謂曰吾輩豈可不自愧乎遂相與輯睦胡氏曰高宗於乃考帝範十不遵一妻父之妃而殺顧命大臣其與陵栢孰重於其重者安行而不忌而切切於薄物細故以為孝豈不猶盜跖以分均出後為仁義哉

集覽

盜長陵一杯土注見漢文帝三年分均出後莊

石相交不顧性命出競居後可謂有義分物均平可謂有仁

質實

狄仁傑太原人并州注見齊明

帝建武三年盜跖注見武宗會昌五年

冬十月祫享太廟

用太學博士史瓘議禘後

質實

禘後三年而禘注

三年而禘禘後二年而禘

年禘注見漢平

帝元始五年

郇王素節袁州安置

素節蕭淑妃之子也警敏好學天后惡之以為申州刺史素節以久不得入覲著忠孝論后見之誣以賊

賄降封鄆陽

質實

申州注見梁武帝太清二年義陽

王袁州安置

質實

鄆陽縣名注見泰二世二年袁州

按一統志禹貢揚州之域春秋時屬吳戰國時屬楚秦屬九江郡漢為豫章郡地孫吳及晉兼屬安成郡

隋於宜春縣置袁州因袁山為名大業初改為宜春

郡唐初復置袁州屬江南道開元間屬江南西道天

寶初復為宜春郡乾元中仍為袁州宋因之

元改置袁州路本朝改為袁州府隸江西道

以李敬玄為中書令

丁丑二年春正月耕籍田考異耕上漏○二月以高藏為

朝鮮王扶餘隆為帶方王

以高藏為朝鮮王遣歸遼東安輯高麗餘衆高麗先在諸州者遣與俱歸扶餘隆為帶方王亦遣歸安輯百濟餘衆仍移安東都護府於新城以統之藏至遼東謀叛召還徙邛州而死高麗舊城沒於新羅餘衆散入靺鞨隆亦不敢還質實朝鮮東方國名注見漢故地高氏扶餘氏遂亡武帝元封二年遼東郡名注見秦王政三年帶方州名注見晉惠帝元康元年安東都護府注見秦王政三年遼東邛州注見僖宗中和二年靺鞨北方國名注見隋文帝開皇十八年

郝處俊高智周罷。夏四月河南北旱

遣御史中丞崔謚等分道賑給侍御史劉思立上疏
曰麥秀蠶老農事方殷聚集參迎妨廢不少既緣賑
給須立簿書本欲安存更成煩擾伏
望且委州縣賑給疏奏謚等遂不行

張大安同三品考異

張上漏以字

○詔廢顯慶新禮

詔以顯慶新禮多不師古其五禮並依周禮
行事自是禮官益無憑守每大禮臨時撰定

秋八月徙周王顯為英王

更名哲

命劉仁軌鎮洮河軍質實

洮河二州名洮註見高祖武
德六年河註見晉穆帝永和

元年

戊寅三年春正月百官四夷朝天后於光順門

書法

君在而后朝百官四夷不待貶而義見矣綱目不書天后朝百官四夷書曰百官四夷朝

天后罪諂者也○元

旦百官朝后始此

發明

春秋魯莊公時書夫人姜氏會齊侯於禚書享齊侯于祝又書姜氏如齊師蓋其進之以

漸所以甚其惡也綱目之於武氏既書皇后決百官奏事又書后稱天后又書后表便宜至是又書四夷百官朝天后則其愈進愈盛幾於無君者矣履霜堅冰可畏如此特書屢書誠千古之龜鑑也

○以李敬玄為洮河道大總管

劉仁軌有奏請多為李敬玄所抑由是怨之知敬玄
非將帥才薦之使守西邊敬玄固辭上曰仁軌須朕
朕亦自往卿安得辭乃以敬
玄代仁軌大發兵討吐蕃

夏五月幸九成宮考異

月下漏

考證

幸當
作如

集覽

九成宮
即隋仁

壽宮在

質實

九成宮注見隋文帝
開皇十三年仁壽宮

鳳翔府

山中雨寒從兵有凍死者胡氏曰高宗可謂舒遲解
緩之君在咎徵宜得常燠今乃盛夏而寒此武氏好
殺氣之先至者也惟見微
者知之而人君不悟也

秋九月還京師。詔復奏破陣樂

上初即位不忍觀破陣樂命徹之
至是太常奏久寢懼廢乃復奏之

侍中張文瓘卒

上將討新羅文瓘卧疾在家自輿入諫曰今吐蕃為寇方發兵西討新羅未嘗犯邊若又東征臣恐公私不堪其弊上乃止

李敬玄與吐蕃戰敗績

李敬玄將兵十八萬與吐蕃將論欽陵戰於青海之上副總管劉審禮深入敗沒敬玄按兵不救狼狽還走敵追擊之員外將軍黑齒常之夜帥死士鬪擊營敵乃遁去敬玄收餘衆還鄯州上嘉常之功擢拜左武衛將軍敬玄之西征也監察御史婁師德應猛士詔從軍及敗敕師德收集散亡軍乃復振因命使於吐蕃吐蕃將論贊婆迎之師德宣導上意諭以禍福贊婆甚悅為之數年不犯邊上以吐蕃為憂悉

名侍臣謀之或欲和親或欲嚴備俟公私富實而討之或欲亟發兵擊之議竟不決大學士魏元忠上封事曰理國之要在文與武今言文者則以詞華為首而不及經綸言武者則以騎射為先而不知方畧故陸機著論辨亡無救河梁之敗養由基射穿七札不濟鄆陵之師此已然之明效也古語有之兵無強弱將有巧拙故選將當以智畧為本勇力為末今朝廷用人類取將門子弟及死事之家彼皆庸人豈足當間外之任古之名將皆出貧賤而立殊功未聞其家代為將也夫賞罰者軍國之切務近日征伐虛有賞格而無事實蓋由小才之吏不知大體徒惜勲庸恐虛倉庫不知士不用命所損幾何自蘇定方征遼東李勣破平壤賞絕不行大非川之敗薛仁貴郭待封等不即重誅臣恐吐蕃之平非旦夕可冀也又出師之要全資馬力請開畜馬之禁使百姓皆得畜馬若官軍大舉增價市之則皆為官有矣上善其言召見

令直中書省
仗內供奉

集覽

論欽陵欽陵名也吐蕃之將論注
見咸亨元年青海吐谷渾中有青

海周迴九百里中有一山至冬冰合遊北馬其上言
得龍種嘗得波斯草馬因生驄駒故代稱青海驄龍
朔中吐蕃滅吐谷渾而盡有其地十三州志云青海
在臨羌縣西有卑禾海謂之青海陸機著論辨亡無
救河梁之敗言徒以辭華為文也陸機本吳人深慨
孫皓之亡遂著辨亡論二篇後仕於晉成都王穎以
機為河北大都督討長沙王乂列軍自朝歌至河橋
戰於鹿苑機軍大敗養由基射穿七札不濟鄢陵之
師言徒以騎射為武也左傳成十六年晉楚遇於鄢
陵養由基蹲甲而射之徹七札焉以示王曰君有臣
如此何憂於戰王怒曰大辱國既戰楚師敗績注蹲
聚也一發達七札言其能陷堅也王怒曰大辱國者
楚共王賤其不尚知謀也楚辭天問篇何羿之射草
而交吞揆之文公注云射草禮所謂貫草之射左傳

所謂蹲甲而𦣻之者言有力也吞滅也揆謀度也言何昇之𦣻藝勇力而其衆乃交進而吞謀之乎亦此意也𦣻質實青海按一統志即西海在陝西行都司與射同西寧衛城西三百餘里海方數百里有魚无鱗背負黑點漢平帝時王莽秉政風卑禾羗獻西海之地置西海郡莽敗郡廢一名卑禾羗海俗呼青海狼狼注見漢獻帝初平三年婁師德鄭州原武人魏元忠宋州宋城人

來恒卒

已卯調露元年春正月幸東都司農卿韋弘機免考異月

漏帝字又巡幸例曰郡國曰如官府

第宅曰幸此書幸東都當作如東都考證

幸當作如

弘機作上陽等宮制度壯麗侍御史狄仁傑劾奏弘機導上為奢泰免其官左司郎中王本立恃恩用事

朝廷畏之仁傑奏其姦上特原之仁傑曰陛下何惜
罪人以虧王法必欲曲赦本立請棄臣於無人之境
為忠貞之誠本立竟質實東都注見秦莊襄王元年
得罪由是朝廷肅然三川上陽宮名注見乾封
年二

二月吐蕃贊普死

贊普卒子器弩悉弄立年八歲上命裴行儉乘間
圖之行儉曰欽陵為政大臣輯睦未可圖也乃止

書法

吐蕃書死始此

夏四月以郝處俊為侍中。命太子賢監國

太子處事明
審時人稱之

六月遣吏部侍郎裴行儉立波斯王行儉龔執阿史那

都支以歸

初西突厥阿史那都支及其別帥李遮訶與吐蕃連和侵逼安西朝議欲發兵討之吏部侍郎裴行儉曰今波斯王卒其子質京師宜遣使送歸道過二敵以便宜取之可不血刃而擒也上從之乃命行儉冊立波斯王行儉奏肅州刺史王方翼為副過西州揚言須稍涼西上都支覘知之遂不設備行儉召四鎮酋長謂曰昔在此川縱獵甚樂今欲尋舊賞誰能從者諸蕃子弟爭請行近得萬人行儉陽為畋獵校勒部伍數日遂倍道西進去都支部落十餘里遣使問其安否召與相見都支計無所出帥子弟迎謁遂擒之簡其精騎進掩遮訶遮訶亦降於是囚都支遮訶以歸遣波斯王自還其國留王方翼於安西使築碎葉

城

集覽

四鎮安西四鎮以西域四國為名

質實

安西鎮名

注見永淳元年京師注見周顯王二十五年肅州注見漢武帝元朔三年酒泉西州注見齊明帝建武四

年高

昌

冬十月單于府突厥反遂寇定州

單于大都護府突厥阿史德溫傳奉職二部俱反立阿史那泥熱匐為可汗二十四州酋長皆叛應之眾數十萬遣長史蕭嗣業等將兵討之嗣業等先戰屢捷因不設備會大雪突厥夜襲其營嗣業狼狽拔營走眾遂大亂為敵所敗突厥寇定州刺史霍王元軌命開門偃旗敵疑有伏懼而遁州人李嘉運與通謀事泄上令元軌窮其黨與元軌曰強寇在境人心不安若多所逮繫是驅之使叛也乃獨殺嘉運餘無

所問上大喜自是朝廷有大事上多密敕問之
遣將軍曹懷舜屯井陘崔獻屯龍門以備突厥
集覽
阿史德溫傳奉職阿史德突厥質實
定州注見周威
三字姓溫傳與奉職同此姓氏
烈王二十三年
中山井陘縣名注見秦王政十八年
龍門縣名注見隋文帝仁壽三年

庚辰 永隆元年春三月以裴行儉為定襄道大總管討突

厥平之考證

討當
作擊

初上謂裴行儉曰卿文武兼資今授卿二職乃除禮
部尚書右衛大將軍為定襄道行軍大總管將兵三
十餘萬以討突厥至是大破突厥於黑山擒奉職泥
熟匐為其下所殺以首來降初行儉至朔川謂其下
曰撫士貴誠制敵尚詐乃為糧車三百乘每車伏壯
士五人各持陌刀勁弩以羸兵為之援且伏精兵於

險要以待之敵果至羸兵棄車散走敵驅車就水草
解鞍牧馬欲取糧壯士自車中躍出擊之敵驚走復
為伏兵所邀殺獲殆盡自是連糧行者敵莫敢近軍
至單于府北抵暮下營掘塹已周行儉遽命移就高
岡諸將皆言士卒已安不可動行儉不從趣使移是
夜風雨暴至前所營地水深丈餘諸將皆服問其故
行儉笑曰自今但從我集覽陌刀陌本作鉞廣韻注
命不必問其所由知也陌莫白反玉篇注鉞莫
陌反並訓鉞刀軍器也唐越州都督闕稜質實定襄
善用兩刃刀長丈名曰柏刀疑柏字誤
見晉懷帝永嘉六年黑山按一統志在大同府城西
北四百五十里古豐州境與雲內州夾山東西相連
朔川未詳處所或謂即朔州注見漢高帝六年馬邑

夏四月裴炎崔知溫王德真同三品考異

裴上漏以字

○秋

七月吐蕃寇河源

吐蕃寇河源將軍黑齒常之擊卻之常之以河源衝要欲加兵戍之而轉輸險遠乃廣置烽戍七十餘所開屯田五千餘頃歲收五百餘萬石由是戰守有備焉先是劍南募兵於茂州築安戎城以斷吐蕃之路吐蕃攻陷其城以兵據之由是西洱諸蠻皆降于吐蕃吐蕃之地東接涼松茂舊等州南隣天竺西蹈龜茲疎勒等四鎮北抵突厥地方

集覽

西洱注見隋文

萬餘里諸蕃之盛莫與為比

質實

裴炎聞喜人崔知溫鄆陵人河源注見太宗貞觀九年劔南道名注見晉武帝泰始八年涼松

茂舊四州名涼註見中宗景龍二年松注見漢後主炎興元年甘松茂注見漢武帝元鼎六年再驄舊注同上年越舊天竺西域國名注同上元狩元年

八月貶李敬玄為衡州刺史質實

衡州注見宋文帝元嘉十六年衡陽

敬玄軍既敗屢稱疾請還既至無疾詣中書視事上怒貶之

廢太子賢為庶人立英王哲為皇太子

太子賢聞宮中竊議以賢為天后姊韓國夫人所生內自疑懼方士明崇儼以厭勝之術為天后所信官至正諫大夫嘗密稱太子不堪承繼英王貌類太宗會崇儼為人所殺天后遂疑太子所為太子頗好聲色與戶奴狎昵天后使人告其事鞫之於馬坊得卓甲數百領以為反具上素愛太子欲宥之天后不可遂廢為庶人黨與皆伏誅左庶子張大安坐阿附左遷餘皆釋之左庶子薛元超等皆舞蹈拜恩右庶子李義琰獨引咎質實
明崇儼洛州人厭勝注見隋文帝開皇二十年左遷注見漢宣

帝元康

二年

發明

弘賢皆武氏所出弘既耽死賢又廢黜殘忍一至於此蓋凶悍之性乃其所素有者故始焉扼殺其女以陷皇后而終焉廢殺二子以逞其欲婦人陰險可畏未有若是之甚者書廢不書罪高宗雖素所鍾愛欲宥之而不可則亦具位焉爾可勝歎哉

冬十一月朔日食

辛巳開耀元年春正月宴百官及命婦於麟德殿

以立太子宴百官及命婦於宣政殿引九部伎及散樂自宣政門入太常博士袁利貞上疏以為正寢非命婦宴會之地路門非倡優進御之所請命婦會於別殿九部伎自東西門入而停散樂上乃更命置宴

於麟德殿賜利貞帛百匹利貞族孫誼為蘇州刺史
自以其先宋太尉淑以來盡忠帝室琅邪王氏雖奕
世台鼎而為歷代佐命耻與為比嘗曰所貴於名家
者為其世篤忠貞才行相繼故也彼鬻婚姻求祿利

者又烏

集覽

正寢即路寢也注見漢元帝竟寧元年
路門顏師古曰路大也大寢門也天子

足貴乎

宮內有路寢故曰路門禮天官閭人掌守王宮之中

門之禁鄭司農云王之門有五其外曰臯門二曰雉

門三曰庫門四曰應門五曰路門奕世台鼎奕世

猶言累代也三公上應台階鼎足承君故曰台鼎質

實宣政殿注見憲宗元和十四年倡優注見隋文帝

開皇二十年麟德殿注見憲宗元和十四年宣政

袁利貞陽夏人湛之族孫蘇州注見漢獻帝建興三

年宋太尉淑以來盡忠帝室謂袁淑袁粲事在宋文

宋順二帝時琅邪王氏奕世台鼎謂王導王弘事在

晉元宗武二帝時鬻婚姻求利祿者謂宋之褚淵王

革儉

書法

唐以來書宴多矣未有及命婦者宴命婦於殿上天后之伉也故謹志之終綱目書宴十

六大宴一詳漢高帝五年書及命婦者一而已矣是年

發明

高宗柔懦不君而牽於愛慾故其所為大率皆類婦人女子然而是宴之設特為武氏而

已儻止宴百官則武氏無預必宴及命婦則武氏預矣此固當時之意也而亦綱目書法之意也

三月郝處俊罷。以劉仁軌為太子少傅考異

提要少作太

少府監裴匪舒善營利奏賣苑中馬糞歲得錢二十萬緡上以問劉仁軌對曰利則厚矣恐後代稱唐家賣馬糞非嘉名也乃止匪舒又為上造鏡殿上與仁軌觀之仁軌驚趨下殿上問其故對曰天無二日土

無二主適視四壁有數天子
不祥孰甚焉上遽令剔去

秋七月太平公主適薛紹考異

太上漏
以字

紹母太宗女城陽公主也紹兄顯以公主寵盛深憂
之以問族祖戶部郎中克構克構曰帝甥尚主國家
故事苟以恭慎行之何傷然諺曰娶婦得公主無事
取官府亦不得不懼也胡氏曰士大夫有志節者多
不肯連姻天家而帝女下嫁必妙選名士若各從所
欲則無可以成婚矣然舜由匹夫為天子壻能使二
女率循婦道此則尚主之法式也然必也公主有父
母師傳之訓如太宗宣宗不驕其女而為之壻者德
行行乎閨門使帝女不敢以貴富輕忽夫家交得
其道其何美如之不然殆難以貴富輕忽夫家交得
實城陽公主城陽縣名注見漢獻帝建安二年公主
初嫁杜荷坐太子承乾事誅再適薛瓘生子紹顗

天家注見肅宗上元二年尚
主注見晉安帝隆安五年

書法

公主下嫁書以此其不書何許與行不同時也許與行不同時書其行而已故不書以者

皆書適日遠甚者兩書之代宗永樂綱目公主下嫁不書以者五高宗太平中宗安樂玄宗永穆宣

宗萬壽懿

宗同昌

以裴炎為侍中崔知溫薛元超為中書令○徵處士田
遊巖為太子洗馬

遊巖隱居泰山上東封嘗幸其廬徵為洗馬無所規
益右衛副率薛儼以書責之曰足下負巢由之峻節
傲唐虞之聖主屈萬乘之重申三顧之榮將以輔道
儲貳漸染芝蘭耳皇太子春秋鼎盛聖道未周足下

乃唯唯而無一談悠悠以卒年歲何
以塞聖主調護之寄乎遊巖不能答
集覽
巢由注見新莽始建

國三年三顧之榮漢先主
質實
處士注見周赧王元

三顧諸葛亮於草廬之中
質實
年田遊巖三原人泰

山注見秦始皇二十八年洗馬

官名注見晉孝武帝泰始六年

裴行儉討突厥阿史那伏念降之

初裴行儉軍還突厥阿史那伏念自立為可汗與阿
史德溫傳連兵為寇詔復以行儉為定襄道大總管
討之副總管曹懷舜引兵至長城北橫水遇伏念伏
念垂便風擊之大敗行儉軍於代州之陁口多縱反
間由是伏念溫傳浸相猜貳伏念留妻子輜重於金
牙山以輕騎齎曹懷舜行儉遣裨將程務挺掩金牙
取之伏念還失其妻子輜重士卒多疾疫乃引兵北
走行儉又使務挺等追躡之伏念恃遠不設備軍到

狼狽遂執溫傳以降行儉盡平突厥餘黨以伏念溫
傳歸京師斬於都市初行儉許伏念以不死故降裴
炎疾行儉之功奏言伏念為回紇所逼窮窘而降耳
遂誅之行儉歎曰渾濬爭功古今所耻但恐殺降無
復來者因集覽渾濬爭功晉王渾王濬伐吳渾不進
稱疾不出集覽濬順流鼓棹受吳降後渾濬奏濬失二
人由是質實突厥北方國名注見梁武帝大同十一
交惡質實年可汗外蕃君長之號注見漢後主景
耀四年長城注見太宗貞觀十五年代州注見秦王
政三年雁門陁口陁山之口注見晉安帝義熙二年
多縱反間注見周赧王三十六年
程務挺洛州平恩人名振之子

冬十月朔日食質實

日食注見新莽天鳳元年

徙故太子賢於巴

州質實

巴州注見梁武帝天監四年

壬午 永淳元年春二月立皇孫重照為皇太孫考異

立下
皇字

羨據前後封立書其屬皆不加皇字

上欲令開府置僚屬問吏部郎中王方慶對曰未聞
太子在東宮而更立太孫者也上曰自我作古可乎
對曰三王不相襲禮何為不可乃奏置**集覽**不相襲
師傳等官既而上疑其非法竟不補授禮襲因
也不相襲則有損益記樂記曰五帝
殊時不相沿樂三王異世不相襲禮

書法

書立太孫再矣晉臨淮王臧齊昭業皆太子卒者也太子在而立太孫非矣綱目書立太

孫三唯此
為譏辭

發明

高宗制於晨牝雖愛子且不能保又何有於
乃孫哉他時重照不得良死蓋原於此况既

有太子又立太孫固無謂也書之于冊亦譏之爾

夏四月朔日食○關中饑上幸東都考異

上幸當作帝如

上以關中饑饉米斗三百將幸東都留太子監國使劉仁軌薛元超輔之時出幸倉猝扈從之士有餓死者上慮道路多草竊命監察御史魏元忠檢校元忠閱赤縣獄得盜一人神采語言異於衆命釋桎梏罷冠帶乘驛以從與共食宿託以詰

集覽

草竊書微子好草竊奸宄

注草竊草野中竊盜也檢校謂檢校車駕前後赤縣中國名曰赤縣神州張衡靈憲曰崑崙東有南赤縣之州風雨有時寒暑有節苟非此土南則多暑北則多寒東則多陰故聖人不處焉

質實倉猝

貌桎梏刑具名注見

宗明帝泰始元年

聞喜憲公裴行儉卒考異

按崩葬例曰秦漢以後王侯死皆曰卒賢者則注公諡曰

某注曰諡非生者之稱而通鑑以諡加於薨卒之上亦非是則此當書聞喜公裴行儉卒注云諡曰憲今考太宗賢臣如魏徵房玄齡李靖高士廉等並不書諡

考證

○當去憲字分注諡曰憲○謹按凡例曰諡非生

者之稱通鑑以諡加於薨卒之上者非是今當正之故當於提要去諡號而分注於其下後皆倣此

行儉有知人之鑒初王勃與楊炯盧照隣駱賓王皆以文章有盛名李敬玄尤重之行儉曰士之致遠者當先器識而後才藝勃等雖有文華而浮躁淺露豈享爵祿之器耶楊子稍沉静應至令長餘得令終幸矣既而勃墮水炯終於盈川令照隣惡疾赴水死賓王反誅行儉為將帥所引偏裨如程務挺張虔勗王方翼劉敬同李多祚黑齒常之後多為名將破阿史那都支得馬腦盤廣二尺餘以示將士軍吏捧以升

階跌而碎之惶恐叩頭流血行儉笑曰爾非故為何
至於是不復有追惜之色詔賜都支等資產金器三
千並分給親故集覽聞喜縣名在河東今解州聞喜
偏裨數日而盡縣所引偏裨引薦也猶言汲引
裨音皮偏裨質實聞喜縣名注見晉孝武帝太元十
副貳之將一年王勃龍門人楊炯華陰人盧
照鄰范陽人駱賓王義烏人盈川縣名唐折龍游縣
置之尋省入西安縣故址在衢州府城南九十一里
李多祚其先韎鞞酋長貞
觀初入降中國賜姓李氏

書法

予未有書諡者此其書諡何予行儉也曷為

故李勣行儉皆功臣也勣不具官而行儉書諡一
予一奪其示臣子之大節嚴矣入綱目以來大臣
卒諡自行儉始唐臣卒書爵諡者五行儉姚崇蘇
頤李光弼韋臯官諡者一楊綰官爵諡者五狄仁

餘宋璟李晟馬燧裴度號官爵諡者一郭子儀
官爵者二李泌渾瑊具官者二崔祐甫韋處厚

安西都護王方翼破西突厥平之

阿史那車薄圍弓月安西都護王方翼引軍救之破
敵衆於伊麗水三姓咽麤與車薄合兵拒方翼方翼
與戰於熱海分遣裨將襲破之擒其酋長三百人西
突厥遂平方翼徵入議事竟以廢后近屬不得用而
歸

集覽

安西都護杜甫詩安西都護胡青驄注云唐
安西郡東接焉耆去交河七百里南隣吐蕃

西連疏勒去蔥嶺七百里北拒突厥貞觀初置安西
都護府於西州顯慶中移治龜茲城案舊史貞觀十
四年平高昌以其地置西州建安西都護府撫寧西
域統龜茲于闐焉耆疎勒四國故謂之四鎮弓月西
域國名也又突厥中有弓月城熱
海在西域碎葉國東地寒不凍

正誤

三姓咽麤集
覽無注○今

按三姓咽麴鐵勒別部之號也地傍嶺海通鑑前云
九姓鉄勒一部為一姓三姓咽麴又其小者咽音燕
麴音質實熱海按一統志在亦力把力國東周迴數
百里夷呼為亦息渴兒酋長注見漢帝立

更始

二年

以郭待舉岑長倩郭正一魏玄同並中書門下同承受

進止平章事

上欲用待舉等謂中書令崔知溫曰待舉等資任尚
淺且令預聞政事未可與卿等同名自是外司四品
以下知政事者始以平章事為名先是玄同為吏部
侍郎上言曰人君之體當委任而責成功所委者當
則所用者自精矣周穆王命伯冏為太僕正曰慎簡
乃僚是使羣司各自求其小者而天子命其大者也

漢氏得人皆自州縣補署五府辟召然後升於天朝
魏晉以來始專委選部夫以天下之大士人之衆而
委之數人之手用刀筆以量才案簿書而察行藉使
平如權衡明如水鏡猶力有所極照有所窮況所委
非人而有愚闇阿私之弊乎願畧依質實岑長倩鄧
周漢之規以救晉魏之失疏奏不納質實州棘陽人
文本從子郭正一定州鼓城人魏玄同定州人周穆
王命伯岡為大僕正曰慎簡乃僚周穆王名滿昭王
之子伯岡其臣也

事詳周書岡命篇

發明

宰相之稱至是愈益舛矣書同承受進止殆
與奔走小臣無異其何以經邦論道師長百

僚乎

五月洛水溢關中旱蝗

東都霖雨洛水溢溺民居千餘家關中先水後旱蝗繼以疾疫米斗四百兩京間死者相枕於路人相食

質實

洛水注見漢高后三年關中注見玄宗開元十一年京兆

秋七月作奉天宮

上既封泰山欲遍封五嶽作奉天宮於嵩山之南監察御史襄行李善感諫曰陛下封泰山告太平致羣瑞與三皇五帝比隆矣數年不稔餓殍相望四夷交侵兵車歲駕陛下宜恭默思道以禳災譴更廣營宮室勞役不休天下莫不失望上不納自褚遂良韓瑗之死中外以言為諱幾二十年及善感始諫天下皆喜謂之鳳鳴朝陽上遣宦者沿江徙異竹所在縱暴荊州長史蘇良嗣囚之上疏切諫以為致遠方異物煩擾道路恐非聖人愛人之意上手詔慰諭令棄竹江中

集覽

監察御史襄行李善感之官稱太宗

朝始有此名初馬周起布衣詔令於監察御史裏行
後專以裏行名官至武后時又置殿中裏行鳳鳴朝
陽詩卷阿篇鳳凰鳴矣於彼高岡梧桐生矣于彼朝
陽箋云鳳凰鳴於山脊之上者居高視下觀可集也
喻賢者待禮乃行翔而後集爾雅釋山曰
山東曰朝陽注云旦即見日也故曰朝陽
韶曰山之尊者曰嶽東嶽曰泰山在濟南府泰安州
北五里南嶽曰衡山在衡州府衡山縣西三十里西
嶽曰華山在西安府華陰縣南一十里北嶽曰恒山
在真定府曲陽縣西北一百四十里中嶽曰嵩山在
河南府登封縣北一十里奉天宮按一統志在河南
府登封縣嵩山南嵩山注見中宗嗣聖十二年恭默
思道商書說命篇文荊州注見漢獻帝建
安十三年南郡蘇良嗣武功人世長之子

零陵王明自殺

初曹王明以太子賢黨降封零陵王黔州安置至是都督謝祐希天后意逼使自殺上深惜之黔府官屬皆坐免官後祐寢於平閣夜失其首及明子後為天后所殺有司籍其家得祐首漆為穢器題云謝祐乃知明子使刺質實零陵縣名注見漢平帝元始五年黔州注見高祖武德三年客取之也

召薛元超赴東都

太子頗事遊畋元超上疏規諫上聞之遣使者慰勞召赴東都

冬十月以劉景先同平章事○突厥骨篤祿寇并州薛仁貴大破之

突厥餘黨阿史那骨篤祿阿史德元珍等招集亡散據黑沙城反寇并州代州都督薛仁貴將兵擊之敵

問唐大將為誰應之曰薛仁貴皆曰吾聞仁貴流象
州死久矣何給我也仁貴免胄示之面皆相顧失色
下馬列拜稍稍引去
仁貴因奮擊大破之
雁門象州注
質實并州注見齊明帝建武三
年代州注見秦王政三年
見顯慶二年

以婁師德為河源軍經畧副使

吐蕃寇河源師德將兵擊之於白水澗八戰八捷上
以師德為比部員外郎左驍騎即將充使曰卿有文
武材勿辭也
集覽比部比頻脂反唐舊制天下金帛皆貯
左藏比部覆其出入掌內外諸司公廨
及勾覆錢物後嘗改為司
計充使充經畧副使也

癸未弘道元年春二月突厥寇定州圍單于都護府○李

義琰致仕

義琰改葬父母使其舅氏遷舊墓上聞之怒曰義琰倚勢陵其舅家不可復知政事義琰不自安以疾求去許之范氏曰高宗責義琰當矣然已以譏殺其舅何以責臣下之薄於母黨乎

書法

義琰求退以上怒也其得書致仕何義琰正人也故綱目特予之

崔知溫卒

書法

凡卒不具官貶也唐諸臣卒不具官者四十而高宗之世十有三詳太宗貞觀三年當時

之執政可知矣

發明

綱目於人臣之卒或爵或不爵不惟足以見才品功業之高下亦足以見當時朝廷之盛

袁姑以唐言之高祖朝二人杜伏威書吳王寶威
不書爵太宗朝十有六人其不書爵者杜淹裴寂
封倫三人而已岑文本不書爵而書代者之爵至
高宗朝亦有十六人而書爵者五於五人之中其
三則前朝舊臣張行成尉遲敬德褚遂良是也若
高宗所用之人獨張文瓘裴行儉而已何太宗朝
書爵者如是之多而高宗朝如是之少耶夫武氏
制朝大臣具位凡陳力就列者初無功績之可紀
故綱目於其卒也皆削其官以貶之爾不然綱目
何獨厚於房杜王魏諸公而獨惡於姜恪閻立本
來恒崔知溫輩
哉觀者試思之

○夏四月綏州步落稽作亂討平之

步落稽白鐵余埋銅佛於地中久之草生其上給鄉
人曰吾於此數見佛光集眾掘地果得之因曰得見

聖佛者百疾皆愈遠近赴之數年歸信者衆遂謀作
亂據城平縣稱皇帝置百官遣右武衛將軍程務挺
與王方翼討之擒
質實綏州注見周顯王三十五年
鐵余餘黨悉平
雕陰步落稽北方國名注見
梁武帝中大通三年城平縣莫詳處所或謂即昇平
縣未知是否按昇平縣乃唐初所置屬坊州宋熙寧
初省為鎮故址在延安府
宜君縣西北二十五里

五月突厥寇蔚州

突厥阿史那骨篤祿等寇蔚州殺刺史李思儉豐州
都督崔智辨將兵邀之為敵所擒朝議欲廢豐州司
馬唐休璟上言豐州阻河為固居賊衝要自秦漢以
來列為郡縣土宜耕牧貞觀之末募人實之西北始
安今廢之則河濱之地復為賊有靈夏
質實蔚州注見楚義
等州人不安業非國家之利也乃止

帝元年代國豐州注見漢宣帝甘露二年唐休璟始
平人靈夏二州名靈注見太宗貞觀二十九年夏注
見漢武帝元
朔元年朔方

秋七月詔以來年有事於嵩山冬十一月詔罷之

詔罷封嵩山上疾甚故也上苦頭重不能視召侍醫
秦鳴鶴診之請刺頭出血可愈天后不欲上疾愈怒
曰此可斬也乃欲於天子頭刺血上曰但刺之未必
不佳乃刺二穴上曰吾目似明矣后舉手加額曰天
賜也自負綵百
匹以賜鳴鶴

書法

書詔罷之何譏也何譏封泰山非也封嵩山
益非也以疾甚罷之則亦不足美矣故三詔

封嵩岱三罷之皆不書龍朔二年儀鳳元年調露
元年於末也持書譏之然則太宗之罷封禪書星

李牙太微此以疾甚罷則曷為不書故十一月書罷之十二月書大喪則其故可知矣

詔太子監國以裴炎劉景先郭正一兼東宮平章事質

實

東宮注見宗文帝元嘉二十七年

書法

東宮有平章始見於此

○十二月帝崩太子即位尊天后為皇太后考證

提要當作

太子哲

即位

上疾甚夜召裴炎入受遺詔而崩遺詔太子即位軍國大事有不決者兼取天后進止中宗即位尊天后為皇太后政事咸取決焉

書法

賀善贊曰高宗在位三十四年綱目書濮王

儀而後其可予者惟幸涼州不果行一事耳若其

瀆亂人倫委政房闈幾貽宗社之禍可勝罪哉

以劉仁軌為左僕射裴炎為中書令劉景先為侍中

故事宰相於門下省議事謂之政事堂及

裴炎遷中書令始遷政事堂於中書省

郭正一罷

御批資治通鑑綱目卷四十一上

謹案第二十二頁後五行又武后長安二年刊本
又作注后作氏又六行徑三寸半刊本三訛二
並據選舉志改

第四十六頁後六行赤縣按韻會赤縣謂畿縣也
晉書成公綏傳赤縣據于辰巳唐之萬年長安
皆赤縣也此引史記鄒衍語者誤

第五十二頁後三行城平縣莫詳處所按元和志
綏州城平縣後魏孝明帝于今縣西三十里庫

仁川置城中縣隋改為城平自庫仁川移于今
理此云即昇平縣者誤又按昇平縣天寶十二
載折宜君縣置此云唐初所置者亦誤



總校官庶吉士臣張能照

校對官檢討臣王鍾健

謄錄監生臣沈心醇